

Yeshua: e Sabiduria di Dios!!!

Awor Felipe a **buska i haña** Natanaèl i a bis'é: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Jesus di Nazarèt**, yu di José." (**Juan 1:45**).

Yeshua; Jesus di Nazarèt: e Lei di Dios Tata!!!

I **SEÑOR Dios** a bisa e **kolebra**: "Pasobra bo a hasi e kos aki, "**maldishoná** bo ta mas ku tur bestia di kria, i mas ku tur bestia di sabana; riba bo barika lo bo lastra, i stòf lo bo kome tur e dianan di bo bida; i **lo Mi pone enemistat** entre **abo** i e **muhé**, i entre **bo simia** i **Su Simia**; **E lo** heridá **bo kabes**, i **abo** lo heridá **Su hilchi di pia**." (**Génesis 3:14-15**).

Pa e **muhé** sali na estado (**Génesis 3:16**); e **muhé su webu** ta wòrdu penetrá dor di e **hòmber su simia**. Esaki kièr men e **muhé** no tin **simia**!!!.

Su Simia ku ta wòrdu menshoná aki ta **Jesus di Nazarèt**.
Su hilchi di pia aki nan ta referí na pia di **Jesus di Nazarèt**.

Yeshua; Jesus di Nazarèt: di Kende e Profetanan di Dios Tata tambe a skirbi!!!

Pasobra mi sa ku **mi Redentor** ta biba, i ku na final **E lo para riba tera**. (**Job 19:25**). Pasobra tanten ku tin **bida** den mi, i e **Rosea di Dios** ta den mi nanishi (**Job 27:3**). Ta e **Spiritu di Dios** a trahami, i e **Rosea di e Todopoderoso** ta dunami **bida**. (**Job 33:4**).

Ta kon Felipe por bisa: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Jesus di Nazarèt**, yu di José."

Felipe por bisa esaki pasobra:

Jesus di Nazarèt ta mi Redentor.

Jesus di Nazarèt ta e Rosea di Dios.

Jesus di Nazarèt ta e Spiritu di Dios.

Jesus di Nazarèt ta e Rosea di e Todopoderoso.

Jesus di Nazarèt ta e Lei di Dios Tata.

20 yanüari 2019

Sea Bendishoná ku e Amor di Dios Tata; Yeshua Mesias

Rev. Remsly L Riley